



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno 1544.

urn:nbn:de:hbz:466:1-42840

PARALIPOMENA MARIANA

Quorundam quæ in hisce Annalibus omissa sunt in primo seculo, suis annis, & locis reponenda.

ANNO 1544.

*In dubijs
consultri-
cem Dei-
parâ ad-
hibere .*

2. Nou.

*Christo ad
defatiga-
tionem usq;
seruire.*

884 *Ioannes Nunnez* Lusitanus, Abbas, postea Societate IESV in ita Æthiopiæ Patriarcha, cum hoc anno incertus animi, ac deliberabundus hæretet quænam viuendi ratio ad beatam vitam esset magis expedita & DEO grata, rogabat assidue Dei Matrem, optimam nutantium cordium consultricem, vt consultationem totam ipsa regeret. Narrabat postea Ioannes Melchiori germano suo; sibi felicem illam sui consilij præsidem postridie kalendas Nouembris ipso die fidelium animarum augustâ & amabili specie coram spectabilem adesse visam cum Patre quopiam de Societate IESV, quem illa sui *famuli* nomine honorabat, iubebatque Conimbricam proficisci, & ab eius Patris ore consilijque pendere. Alij ex Oliuero Manaræo probata fidei, atque illius ætatis viro rem ita narrant, vt Deipara Ioanni per quietem inter Patres hinc Petrum Fabrum, inde Franciscum Stradam conspecta, eum interrogârit: *Visne Filio meo ad defatigationem usque seruire?* Annuenti deinde dixisse; vt duos illos suos comites sequeretur. Ioannem demum in Petrum Fabrum incidisse, atque ab eo ipsidem propè verbis interrogatum; *Visne Christo ad defatigationem usque seruire?* Vtrumque est ad rem nostram; docetque debere consuli à nobis, & coli Deiparam obsequijs Christo impensis, ac impigritate amoris plenâ, seu amore minimè otioso. Ita Ioannes in Societate factus est & ipse *famulus* Virginis; cui seruire, est Deo obedire.

AN-